



Órgano de contratación	Consellería de Medio Ambiente e Ordenación do Territorio			
Denominación do contrato	Servizo de mantemento dos equipos de emisión atómica, espectrometría e cromatografía do Laboratorio de Medio Ambiente de Galicia			
División por lotes	Non			
Ref. Expediente	12/2018 CA	CPV	50411000-9	Contrato harmonizado Non
Tipo de contrato	Servizo	Tramitación	Ordinaria	
Procedemento	Negociado sen publicidade por protección de dereitos exclusivos	Forma de adxudicación	Pluralidade de criterios	
Importe base de licitación	112.602,60 €	Prazo de execución	36 meses	

RESOLUCIÓN DE ADXUDICACIÓN

ANTECEDENTES DE FEITO

Primeiro. O 23 de abril de 2018 a Consellería de Medio Ambiente e Ordenación do Territorio iniciou un expediente de contratación mediante procedemento negociado sen publicidade, por razóns de exclusividade, de acordo cos artigos 166 e seguintes da Lei 9/2017, do 8 de novembro de contratos do sector público (LCSP) relativo ao servizo de mantemento dos equipos de emisión atómica, espectrometría e cromatografía do Laboratorio de Medio Ambiente de Galicia, cun orzamento base de licitación de 112.602,60 € (IVE incluído), do que foi aprobado o gasto con data 17 de xullo de 2018.

Segundo. Para a tramitación deste expediente, o órgano de contratación da Consellería do Medio Ambiente e Ordenación do Territorio enviou invitación á empresa THERMO FISHER SCIENTIFIC, S.L.U. coa finalidade de que presentara a súa oferta de acordo co establecido nos pregos que rexen esta contratación. A empresa presentou a súa oferta no tempo e na forma.

Terceiro. O 6 de agosto de 2018, examinada a documentación administrativa (sobre A) achegada pola empresa e, tras observar que a dita documentación se axustaba ao esixido no prego de cláusulas administrativas particulares aprobado para a presente contratación, procedeuse á apertura do sobre B coa oferta económica.



Tras analizar o seu contido, compróbase que a proposición achegada pola empresa cumpre cos criterios de negociación establecidos na cláusula 7 do prego de cláusulas administrativas particulares que rexe esta contratación

Cuarto. Como resultado de canto antecede e de acordo coa proposta elevada polo subdirector xeral de Contratación e do Patrimonio o 7 de agosto de 2018, tendo en conta o establecido no artigo 150 da LCSP, o órgano de contratación requiriu á empresa THERMO FISHER SCIENTIFIC, S.L.U. para que, no prazo de dez días hábiles, desde o seguinte ao recibo do requirimento, acredítase o cumprimento das obrigas que figuran no apartado 7.4.1 do prego de cláusulas administrativas particulares e o xustificante de ter depositado, na Caixa Xeral de Depósitos da Xunta de Galicia, a garantía definitiva.

O licitador requirido achegou en prazo a documentación esixida. Non obstante, tras a súa análise, tal e como se reflexa no informe de cualificación da documentación do 30 de agosto de 2018, conséntase que a documentación achegada acreditativa da formación do equipo técnico se presenta en fotocopia sen compulsar, o que incumpré o esixido polo prego de cláusulas administrativas particulares, cláusula 5.4 do cadro de características: “A documentación acreditativa da solvencia técnica ou profesional deberá vir asinada polo representante da empresa. No caso de xustificar mediante certificacións, estas presentaranse en orixinal ou fotocopia debidamente compulsada”.

Visto o anterior requíreselle, o día 30 de agosto, para que no prazo de tres días hábiles emende a deficiencia sinalada no parágrafo anterior.

Quinto. A documentación de emenda preséntase en prazo e despois de examinada, á vista do establecido no informe de cualificación do subdirector xeral de Contratación de do Patrimonio do día 3 de setembro de 2018, considérase acreditada a posesión e validez da mesma e, polo tanto, tense por cumprido o requirimento.

FUNDAMENTOS DE DEREITO

Primeiro. A competencia para ditar esta resolución corresponde á Secretaría Xeral Técnica da Consellería de Medio Ambiente e Ordenación do Territorio, en virtude do establecido no apartado segundo da Orde do 15 de marzo de 2012, sobre delegación de competencias na Secretaría



Xeral e noutros órganos da Consellería de Medio Ambiente, Territorio e Infraestruturas, (DOG núm. 58, do 23 de marzo de 2012) e na disposición adicional novena do Decreto 177/2016, do 15 de decembro, (DOG núm. 239 do 16 de decembro de 2016).

Segundo. O artigo 151.1 da LCSP establece a obriga de acordar a adxudicación dos contratos mediante resolución motivada.

Da análise da documentación que obra no expediente de contratación e a proposta da Subdirección Xeral de Contratación e do Patrimonio, procede adxudicar o contrato á empresa THERMO FISHER SCIENTIFIC, S.L.U.

Polo exposto,

Despois de examinar a Lei 9/2017, do 8 de novembro de contratos do sector público (LCSP), o Real Decreto 1098/2001, do 12 de outubro, polo que se aproba o regulamento da Lei de contratos das administracións públicas e demais normativa de desenvolvemento,

RESOLVO,

Primeiro. Adxudicar o devandito contrato nos seguintes termos:

EMPRESA	THERMO FISHER SCIENTIFIC, S.L.U.	
NIF	B28954170	
IMPORTE DE ADXUDICACIÓN (SEN IVE)	IVE	TOTAL (CON IVE)
93.060,00 €	19.542,60 €	112.602,60 €
Técnicos adicionais para a execución do contrato sobre o mínimo esixido como solvencia técnica		7 técnicos
Tempo de resposta ante avisos de avarías-mantemento correctivo (sendo 48 horas o tempo máximo establecido no prego de prescricións técnicas)		48 horas

Segundo. Notificar a THERMO FISHER SCIENTIFIC, S.L.U. e publicar esta resolución no perfil do contratante deste órgano de contratación (<http://www.contratosdeg Galicia.gal/resultado.jsp?N=393368>) de conformidade co sinalado nos artigos 63 e 151.1 da LCSP.

A formalización do contrato, de acordo co previsto no artigo 153.3 da LCSP, deberá ter lugar en documento administrativo, no prazo de quince días hábiles dende que o adxudicatario reciba a



notificación desta resolución, constituíndo o devandito documento título suficiente para acceder a calquera rexistro público, se ben o contratista poderá solicitar a elevación do mesmo a escritura pública facéndose cargo de todos os gastos que isto orixine.

Contra esta resolución, que pon fin á vía administrativa, poderase interpoñer recurso potestativo de reposición perante o órgano de contratación, no prazo dun mes contado a partir do día seguinte ao da súa notificación (segundo o disposto nos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas) ou directamente recurso contencioso administrativo perante o Tribunal Superior de Xustiza de Galicia, no prazo de dous meses contados desde o día seguinte ao da notificación ou publicación do acto conforme ao artigo 46 da Lei 29/1998, do 13 de xullo, reguladora da xurisdición contencioso-administrativa.



Santiago de Compostela,

14 SET. 2018

A conselleira

P.D. (Orde do 15/03/2012, DOG núm. 58 de 23/03/2012 e D.A. novena do Decreto 177/2016, do 15 de decembro, DOG núm. 239 de 16/12/2016)

A secretaria xeral técnica



María Jesús Lorenzana Somoza